

Dargegen helet vns D. Hoe auff vnserer seiten zwo schrifftten für die schädlich vnd lästerhafftig sein sollen. Nun sagen wir nachmals daß wir für vns alle lästerschrifftten / Pasquill / Schmehtarten / vnd wie sie sonst mögen nahmen haben / gar nicht billichen. Wer hie lästert: der mag verantworten.

D. Hoe: Was ist der Catechismus vbiuetisticus anders als ein pur lauter schand vnd lästerbuch?

Antwort. Wo fern der Catechismus lästert vnd mit vnwarheit vmbgehet: so fern billichen wirs nicht. Sonst so viel vns bewust / hat der Autor desselbigen Catechismi vieler Luthertischen Theologen vngeschickte / harte / vnd ärgerliche reden vnd lehren / Ja auß ihren eignen Büchern zusammen gezogen vnd der Christenheit zubetrachten vorgestellt. Ds muß D. Rungius in widerlegung Cat. vbiq. selbst gestehen: vnd daher spricht er: der Luthertischen reden sind harte pag. 7 5. 86. Dunclele pag. 67. zweiffelhafftig pag. 67. vngebrauchlich pag. 7. incommoda locutiones pag. 19. 76. 97. 123. haben ein frembd ansehen pag. 74. 141. sind außgesetzt p. 19. 26. 79. 112. 123. 141. sindt vnvorsichtig p. 7. seind zu meiden pag. 74. 112. seind ärgerlich pag. 74: 84. seind der form gesunder reden nit ehlich p. 13. 84. geben vrsach zu lestern p. 74. 124. seind gefehrlich p. 74. 84. das spricht also D. Rungius.

pag. 127. D. Hoe: Das gespräch Knorrens vnd Habenrechts / ist ein offentlichlicher Pasquill / ein lügen vnd lästerbuch.

Antwort. Im selbigen gesprech wird gletch abgemahlet / wie die Leute pflegen von einem vnd dem andern zureden / wie sie oft fluchen vnd sackern. Nachmals werden auch etliche puncten der Christlichen Religion auß Luthero behauptet vnd vertheditet. In summa: leufft hier in warheit eine leistung mit vnder / so begehren wirs nicht zubemanteln.

pag. 128. Vnd also erscheinet nachmals Sonnenklar / daß vnser acht vrsachen seind kräftig genugsam erfunden worden / daß es einem wohl vergönnet sey / seinen Nahmen in gewissem fall außzulassen in einem Buch / dessen scopus gut ist / vnd das nichts wider die Warheit vnd Erbarkeit begreiffet. D. Hoe hat sie zwar betrachtet / vnd allerley dagegen in voriger Antwort / vnd jetzigen prodromo eingebracht. Aber es ist ihm zu voller gnüge geantwortet / vnd die acht vrsachē sind noch mehr behauptet worden. Wie wir dann ds vrtheil allen verfkendigen vnd vnpassionirten lesern hie mit befohlen haben.

Wieder